

ALAHADY 4 - FIAVIAN'NY TOMPO - B



« Aza matahotra, ry Maria, fa sitrak'Andriamanitra ianao, ka hiteraka Zazalahy, ary Jesoa no hataonao Anarany » (Lk. 1: 30)

Ry Kristianina havana, Alahady faha-efatra amin'ny Fiaviana izao Alahady mialoha ny fankalazana ny Noely izao. Noho izany, antomotra dia antomotra ny fankalazantsika ny nahaterahan'ny Tompo.

Nanomana isika ary asain'ny Eglizy isika amin'izao Alahady mamaramparana izao hiomana bebe kokoa ka anomezan'ny Eglizy antsika fampianarana amin'ny alalan'ireo vakiteny amin'izao Alahady fahaefatra amin'ny fiaviana izao. Atolotry ny Eglizy antsika ireo olona nahay nandray an'i Kristy ilay mpamonjy antsika. Ny dikan'ny hoe Kristy dia Mesia izay midika mpamonjy. Tsara ny

mampahatsiahy antsika mba samy hitandrina satria amin'izao fotoan-tsarotra diavintsika izao dia maro ny mampanantena famonjena na amin'ny alalan'ny politika izany, na resaka fivavahana na resaka tsara lahatra na amin'ny alalan'ny zavatra ataony ka mahasarika nefa mahavoafitaka. Aoka isika ry Kristianina havana fa indrindra amin'izao fiomanantsika amin'ny fankalazana ny Noely mba

Vakiteny I : 2 Sam. 7, 1-5. 8b-11. 16

Tononkira : SALAMO 88

Vakiteny II : Rôm. 16, 25-27

Evanjely : Lk. 1, 26-38

tsy ho voasarika amin'ny zavatra manaitra ety ivelany fa hiditra amin'ny lalindalina ka handinika ary hahay hisivana aiza ny tena fototry ny fiainantsika, aiza ny tena hahitantsika ny lalam-pamonjena ?

Ka izany no mahatonga ny Eglizy mampianatra antsika amin'izao hamaranantsika ny fiomanantsika amin'ny Noely izao ka hidirantsika amin'ny fankalazana izay hivelomantsika satria ny fankalazana tsy fahatsiarovana fotsiny fa mampiditra amin'ny fiainantsika izay ankalazaina ka hivelomantsika. Raha mankalaza ny Noely isika dia mankalaza ny fahatongavana ho nofo.

Zavatra faharoa tiako ambara dia fampahatsiahivana fa tena modely amin'ny changement radical na fiovam-penitra mahery vaika ireo olona nahay nandray an'I Jesoa. Ny vokatry io fiovam-penitra teo amin'ny fiainany io dia DEPART VAOVAO. Izay ihany koa no irintsika mba samy hanao "départ vaovao" isika. Aoka hohararaotintsika izao Avent izao araka io fanentanana atao io amintsika hanaovana izay "départ vaovao" izay eo anivon'ny fianakaviana eglizy kely amin'ny alalan'ny fiaraha-mivavaka ary amin'ny alalan'ny fandalinam-pinoana mitondra amin'ny fiovam-penitra. Araky ny voalazantsika ny fianakaviana, dia tsy ilay ao an-tokantrano ihany fa ny fikambanana masina, ny firohotana, ny sekoly, ny toeram-piasana, ny communautén'ny pretra, ny communautén'ny Frera, communautén'ny masera sns... Ndeha ho jerentsika ny fomba nandraisan'ireo voalaza ireo ho fampianarana ho antsika

Ny Evanjely dia mampahatsiahy antsika ny fomba nandraisan'i Masina Maria renintsika an'izany famonjena izany.. Tsy iza io famonjena io fa I Kristy

Ny vakiteny voalohany, boky voalohan'i Samoela, dia milaza fa i Davida nieritreritra hamboatra trano tsara mba hahazany handray ny Tompo, henontsika nefa ny valin-teny nataon'i Natana taminy. Inona no mety ho dikany izay ho antsika amin'izao? Aoka ny fontsika no homanintsika satria ao no andraisantsika ny Tompo fa tsy amin'ny ny zavatra ataontsika ety ivelany miredareda. Hitantsika ny voka'ireny amin'izao KORONTANAVIRUS izao. Ilaina ireny fa tsy izany anefa no fototra. Aoka isika tsy ho variana amin'ny zavatra ety ivelany ka voasarika amin'ny tsy tena izy isika satria ny fontsika no andraisantsika ny Tompo. Io no mahatonga ny lohahevitra androany hoe ny fihevetro tsy fihevitrareo : isika mieritreritra an'izao sy izao fa ny tadiavin'Andriamanitra dia ny fontsika hitoerany, raha Izy mitoetra ao am-pontsika dia hiorina mandrakizay ao amintsika Izy ka hahazo ny fiadanana, ny hasambarana isika ary ohatra velona amin'izany i Masina Maria. Raha tonga teo aminy ny Arkanjely Gabriely nanambara ny vaovao mahafaly taminy dia ny fahatongavan'ny teny ho nofo, araky ny fantantsika, dia tsy hoe nandeha ho azy ny fandraisany ny hafatr'Andriamanitra fa tamin'ny alalan'ny fifanakalozana resaka nataony tamin'ny Arkanjely Gabriely. Tsy dia nazava tamin'i Maria avy hatrany izany na dia efa nomanin'Andriamanitra aza izy. Nandinika izy ary nisaina ka nametraka fanontaniana tamin'ny Arkanjely. Ireo no dingana tsy maintsy ataontsika koa raha te hiroso amin'ny "changement radical" isika raha te hiroso amin'ny fiovam-penitra mahery vaika mitondra amin'ny FIAINGANA VAOVAO, DEPART VAOVAO. Vonona ve isika? Vonona ve ny fianakaviana eglizy kely?

Ny saintsika koa dia mba tsara entintsika handalinantsika ny hafatr'Andriamanitra. Aoka mba ho Eglizy kely ny fianakaviansika, ho toerana handalinana finoana. Tanteraka ny nofinofy hanao

“départ vaovao” raha mirotsaka tokoa isika amin’ny vavaka sy fandalinam-pinoana. Ho tonga eo anivontsika tokoa i Jesoa ary.... Izany ny Noely.

Handalina ny fiainantsika isika amin’ny alalan’ny katesizy fandalinam-pinoana ka ohatra velona ho antsika i Masina Maria, tsy hoe nandà izy na nanohitra fa nandray tsikelikely tao am-pony ka nandinika an’i Jesoa ary izany no zava-dehibe.

Tsy maintsy mandalina isika mba hivahatra ao am-pontsika ao ny Tenin’Andriamanitra ka tahaka an’i Masina Maria isika amin’izay. Tanteraka ny maha-génération mpanorina sy mpamokatra antsika araka ny hafatr’i Jesoa hoe : “Mitoera ao amiko ianareo dia hamokatra be.”

Masindahy Paoly amin’ny vakiteny faharoa mananatra antsika sy manampy antsika hahatakatra an’izany satria hoy izy : *“ho an’Ilay mahay mankahery anareo araka ny Evanjeliko, izay nitoriana an’i Jesoa Kristy sy nanambaràna ny zava-miafina tsy voalaza hatrizay hatrizay, (fa voaseho ankehitriny tamin’ny soratry ny mpaminany, araka ny didin’Andriamanitra mandrakizay, ka nampahafantarina ny firenena rehetra mba hanekeny ny finoana) dia ho an’Andriamanitra, Ilay hany hendry indrindra anie, ny voninahitra mandrakizay mandrakizay, amin’ny alalan’i Jesoa Kristy. Amen. »*

Izany no anjarantsika ry Kristianina havana ka aoka àry fa indrindra amin’izao fotoana tena akaiky ny fankalazana ny Noely izao mba hanahaka an’i Masina Maria isika ka zary EOVI MISIONERA VITA BATEMY KA IRAHINA ZARY TABERNAKLA VELONA toa azy. Natolotr’Andriamanitra amintsika tahaka ny nanolorany tamin’ny alalan’ny Arkanjely Gabriely tamin’i Masina Maria ny famonjena ka izy namaly hoe :*“Inty aho ankizivavin’ny Tompo, aoka ho tanteraka araky ny teninao”*. Amin’izao fotoan’ny Noely izao no fotoana hanavaozantsika ny fanoloran-tena izay nataontsika tamin’ny batemy ka hahatonga an’i Jesoa hitoetra ao amintsika. Izany ny vaovao mahafaly ankalazaintsika tanteraka amin’izao Noely izao. Hitondra fiadanana ho antsika anie izao Noely izao ka ho tanteraka ny lazaintsika amin’ny hafatra pastoraly faha-8 ho OLOM-PINOANA, OLOM-PITIAVANA, OLOM-PANANTENANA MAMENO IREO SADJOA SAOTA dia ho EOVI MISIONERA TOKOA ISIKA ho génération mpanorina fa tsy mpandrava. Tonga olombelona ny Zanak’Andriamanitra hitondra antsika amin’ny fahariana vaovao. Miaraka Aminy isika no manorona tany sy ny lanitra vao.”

Raha tiantsika ho tahaka an’i Masina Maria ny fiainantsika dia fantaro fa namokatra an’i Jesoa izay midika Ilay Mpamonjy ny fiainany. Isika ihany koa mba hamokatra an’i Jesoa, izany hoe ny fiainantsika ho fiainam-baovao entin’ny Noely. Ho DEPART VAOVAO TOKOA ANIE ITY NOELY 2020 ITY.

Aoka àry isika hitoetra ao amin’i Jesoa satria izay itoeran’i Jesoa tahaka ny nitoerany tao amin’i Masina Maria no namokatra be ary nahazo hafaliana : *“mankalaza ny Tompo ny fanahiko...”*, hoy i Maria. Miaraka Aminy koa isika dia hahazo hafaliana- Izany no andrandraintsika amin’izao Noely izao mba hanana an’izany hafaliana izany fa indrindra miatrika izao KORONTANAVIRUS izao izay mbola eto anivontsika indriny. Mila mitandrana isika ary indrindra mila miady. Aoka ny fianakaviana Eglizy kely hanamafy ny vavaka sy fandalinam-pinoana. Izay no nataon’i Masina Maria nandray an’i Jesoa Mesia Mpamonjy. Aoka ho tahaka an’i Masina Maria isika. Tsy ny fandalinana entina hanoharana fa mba hanampy antsika hahay hisivana ka hivahatra tsara amin’ny finoantsika ho entina handresy ny

ratsy dia ity KORONTANAVIRUS ity. Ho tahaka an'i Masina Maria isika amin'izao Noely izao samy hanavao ny fanoloran-tenantsika ka hitoetra ao amin'ny Tompo tokoa.

Ry Jesoa Kristy ô, efa misomebiseby tokoa izahay amin'izao Noely efa akaiky izao, maro ny fahasahiranana fa indrindra maro ny tsy afaka mankalaza ny Noely noho ny tebiteby maro isan-karazany, noho ny zava-misy iainanay. Ampio izahay hanondrotra any Aminao tahaka an'i Masina Maria ny fo امام-panahinay. Sokafy ny fonay, ampio izahay na dia maro aza ny zavatra tsy mazava aminay, na dia maro aza ny fahasahiranana mety mangeja anay dia hisokatra tokoa ny fonay. Koa ankoatr'ireny fiomanana etsy sy eroa, ireny somebiseby ireny na ireo fahasahiranana dia mba hahay handray anao, Mesia mpamonjy anay izahay. Hitoetra ao Aminao izahay ka hitoeranao dia hahazo ilay hafaliana lavorary izay nampanantenainao. Koa hiaraka amin'ny anjely sy ny olomasina izahay hidera sy hankalaza Anao tsy amin'ny hira fotsiny fa amin'ny alalan'ny fiainanay. Hitoetra ao anatin'ny fiadananao anie izahay.

Masina Maria Reny aza mandao anay amin'izao andro sarotra izao. Matoky anao izahay. Tantano ny dianay ho any amin'i Jesoa Mesia Mpamonjy. Mivavaha ho an'ny fianakaviana jiaby mba ho Eglizy kely tokoa izy jiaby. Merci, Masina Maria, Maman, Reny. Amen

Mompera Arseveka Mgr Benjamin Ramaroson